

▲法規▼

大元帥令

茲制定衛戍總司令部組織暫行條例公佈之此令

大元
帥印

中華民國七年四月二十九日

衛戍總司令部組織暫行條例

第一條 衛戍總司令部設於軍政府所在地特任總司令一員直隸於大元帥管理一切衛戍事宜

第二條 衛戍總司令專任維持軍民秩序保衛地方其關於清鄉剿匪事宜隨時會商地方官廳辦理

除出征軍隊外凡隸屬軍政府之軍隊均有節制調遣之權

第三條 衛戍總司令得審度地方情形分設衛戍區域其施行細則另以專章定之

第四條 衛戍總司令部分置參謀秘書副官軍需軍法軍醫各課長一員管理應辦事務其下各置屬

員以事之繁簡定員數之多寡

- 一 參謀長督率各參謀輔助總司令參贊戎機規畫關於軍政令各事項
- 二 秘書長督率各秘書掌管各種公文函電之纂輯保存收發及保管印信事宜
- 三 副官長督率各副官辦理本部庶務及關於本部軍紀法紀事項

四 軍需長督率各軍需委員掌管預算決算之編造薪餉之支領並武器被服一切軍用品物之購備給與事項

五 軍法長督率各軍法官掌管軍事裁判懲罰事項

六 軍醫長督率各軍醫管理病院及本部人員各部隊傷病之療治並所轄區域內衛生事項

第五條 衛戍司令部警備隊之編制餉章及本部人員之薪餉服務值日細則均另定之

第六條 本條例有未盡事宜得隨時呈請修正之

第七條 本條例自公布之日起施行

軍政府衛戍總司令部職員表

總		司		令	
參謀長 (中少將)	參謀 (上中校)	秘書長 (少將上校及相當文官)	秘書 (上中校及相當文官)	副官長 (少將上校)	副官 (上中少校)
		軍法長 (少將上校及相當文官)	軍法官 (上中少校及相當文官)	軍需長 (一二等軍需正或相當文官)	軍需委員 (二三等軍需正或相當文官)
		軍醫長 (二三等軍醫正或相當文官)	軍醫員 (三等軍醫正或深明醫理之文官)		
考備		<p>一各科人員之額數另行編制 呈報備案</p> <p>二參議顧問諮議及軍事委員差遣均無定額限於有軍事學識者不拘等級</p>			

▲命令▼

大元帥令

大元帥令

任命馮百瀛爲大元帥府參議此令



中華民國七年四月廿九日

▲函電▼

電

大元帥致成都熊督軍重慶黃代省長電

成都熊督軍重慶黃代省長均鑒川省議員景昌運等七十餘人電稱顏德基陳炳堃舉義綏郡大小數十戰拓地二千餘里克復二十八城勞苦功高應加以相當之軍職以彰勞勩等情查顏陳此次舉師奮勇轉戰文早有所聞但以粵蜀睽隔詳情無自查悉故未加委任茲據議員等電請委任前來應請查明顏陳有衆幾人應授何職尅日電復以憑核辦孫文鑿

大元帥覆四川省議會議員景昌運等電

成都省會景昌運先生暨諸先生同鑒電悉顏德基陳炳堃轉戰千里勞苦功高文所嘉許已電熊督黃代省長查明電復以憑加委矣謹復孫文鑿

四川省議會議員景昌運等致大元帥電

孫大元帥鈞鑒吾蜀不幸兵禍頻仍周吳肇逆川滇疊啟正司令陳炳堃於北強南弱之時首豎義旗於綏定斯時北軍近駐藜夔鍾師逼處水營一帶楚歌四面逆氣甚惡綏郡彈丸一隅形勢迫促顏陳以一軍支持其中振臂一呼一軍皆奮馬取關縣於北軍之懸繼攻雲夔靈遷吳軍馬軍出境軍威所至賊風披靡北軍將士繳械投誠夔門既鍵下游被矢竟從返省北指收復綏屬七縣提兵川北轉戰千餘里大

小數十戰其時名城既取保甯爲軍區中破以偏師進窺遂巴各縣驅逐秦軍退出川境大軍進取潼緝
警師西下先克梓潼毀曹川陝電線斷敵軍交通消息進攻下劍閣撫秦晉之衆絕劉張之路敵軍既絕
外援又斷聲息內潰之形實基於此成都克復膏頰其力綜計前後戰績拓地二千里據城二十八收械
快槍六千餘益以原有不下八千餘大砲二門勁旅二十餘營勞苦功高兵力雄厚靖國各軍難與比倫
而有尤難者義軍所至市塵不驚秩序不紊人民樂業安堵如故紀律嚴明尤所僅見惟顏君素尚實行
不私一己前此護國之役大功告成盡將所部交熊公編制引身歸農賦閒自甘此次不操寸柄驟起一
隅卒能戡定川亂共成偉績而收之戰時捷報不及十五今顏君親臨蓉城會商大計惟促整軍經武出
師北伐不肯先事表暴虛聲鼓吹口不言功人亦無有以功歸之者揆之公論當可謂平昌運等職司代
議親覩情事又迭接桑梓來函盡稱顏統軍兵畧能造福人民關係匪輕恐仍蹈護國前轍至誤民望又
念川局雖云暫定北賊猶未掃清國家多難需才孔亟而顏君倡義於艱難之會際倉皇戎馬關間百戰
之餘成此軒旂至今定力已在一師以上兩蒙聯帥委任猶是戰事名義現當正式收束軍隊至今多日
尙未任以相當之軍職恐寒將士之心有負斯民之望昌運等俯順輿情主持正誼電請鈞座量予委任
飭令前驅北掃逆氣以彰奇功陳君既取保甯經將士之推崇人民之愛戴至今嘉陵道尹政聲卓著口
碑載道應請量予委任以獎有功而安人心不勝翹企待命之至四川省議會議員景昌運游運熾胡素
民余良瑀文化祥黎道漆劉西池劉雲裳王丕沼鄒澍宋李勛鄧兆熊劉培祿王南棠鮮明奕謝從鑑范
春膏楊應璣譚盛堂薛仲良田羣植楊績衰容光洪琦瑞郎湘炎等七十四人同叩

四川靖國第八軍軍長兼滇川黔聯軍援鄂第二路總司令葉

荃出師援鄂通電

孫中山先生均鑒共和肇造七稔於茲政象混禁日以多故段氏亂法賣國殃民曠使同胞自相殘殺天心悔禍巨亂幸平滿野哀鴻來蘇迫切彼昏不悟仍肆兇心湘岳之禍迭演慘劇推其肇發視國如仇不底滅亡厥心不快極尙棟折覆壓與名荃亦國人敢懈大責師干忝總責無可辭誓誅此獠爲民請命重以鄂難迭電乞援披髮擐冠義難瞞視爲整師旅集中渝城聯軍東下分出岐門義旗所指百折不回殲厥渠魁蕩骸懷緘根本解決國法毫厘所在當同共憤江河流域共賦同袍諸公明達祈賜周行臨電神馳荷戈待命靖國第八軍軍長兼滇川黔聯軍援鄂第二路總司令官葉荃印冬印

大元帥覆葉荃出師援鄂電

重慶葉香石總司令鑒冬電誦悉逆段再出力抗義師近方加重兵于湘鄂欲逞其暴橫宰制全國共和前途不絕如纒茲聞執事雄鷹東指直趨大江威稜所播足禱逆膽幸努力進取行建奇猷孫文感

鄂軍長昌明請恤張午嵐家屬致大元帥電

孫大元帥鈞鑒午嵐軍長前革命鉅子力護共和奔走國事始終不渝重慶反正降城獨立倡義川邊助戰指顧掃除帝制忠義踴躍然前因在甯宗旨護法爲難建議尤爲難得詎意被繫陳軍竟遭毒害言之痛心環顧身後家無私蓄孀寡兒孤均堪惻愴懇予俯念爲因死難從優撫恤以慰忠魂而勵來者不勝迫切

切待命之至軍長郭昌明叩冬印

大元帥覆郭軍長昌明請恤張軍長午嵐遺族電

東川靖國第七軍郭昌明總司令鑒冬電悉張故軍長午嵐屢起義師功在民國客歲不幸被難至爲痛心茲據來電稱遺族蕭條益深惻憫其應予撫恤之處已電省會督軍省長從優撫恤矣孫文感

大元帥致四川熊督軍黃代省長省議會宜優恤張午嵐遺族

電

成都熊督軍省議會重慶黃復生代省長鑒前靖國聯軍第七軍長張煦屢起義師擁護共和客冬倉卒變起被害于川邊叛軍深可痛惜茲據代理第七軍長郭昌明電稱張故軍長遺族蕭條無以爲生聞之至深惻憫望尊處亟從優撫恤以勵死義而慰英烈孫文感

四川靖國軍援陝總司令石青陽追悼程總長通電

孫大元帥均鑒承林司令沁電驚悉海軍總長程公玉堂慘遭狙擊標摧棟折爲國悼惜惟遣派暗殺實足見敵人之技窮力屈及此奮起直進大張撻伐師直爲壯勇氣自增如能約法恢復國賊授首則程公雖死猶生亦當含笑於九原矣願與諸公勉力圖之青陽叩豔

王副議長正廷由上海來電

廣州軍政府轉子超蓮伯慧僧諸兄鑒北京議員待川賈南來者極多亟盼慧生子超兩兄北來速設法

招集當可足額現外交須待正式政府成立始有可圖改組軍府徒事紛更轉使議員懷疑觀望似宜少
緩儒堂感

▲批 示▼

內政部批示

批潘紀常呈欠款無着乞飭追究由

呈悉已令行廣州地方審判廳勒令擔保人代為辨償仰即逕赴該廳聽候辦理可也此批

批曾雲濤呈懇准保釋胞弟曾少詠由

呈悉爾弟既係安份良民無辜延押情殊可憫所請母病求釋之處候令行高等檢察廳查照辦理可也此批

批現押花縣監獄會昭呈故人罪由

呈悉已咨陸司令查覆一面令廣東高審廳查明該花縣知事何故不予宣判違行定案應依覆判章程提案覆判仰即遵照此批

批周士芹條陳整頓監獄由

條陳閱悉立論殊有條理應候酌量採摘可也此批

批廣東法政研究會副會長何金海呈由

據呈各節持之有故言之成理應候體察情形酌量辦理可也此批

批兩廣校外教育院長劉俊呈請辭職由

呈悉該院長既係奉粵海道尹委充斯職所請因病辭職之處仰仍呈候粵海道尹察核可也此批

批廣東法政研究會會員麥少芸條陳整理商事訴訟清算辦法由

條陳閱悉商事訴訟清算事件向由法院委託地方商會辦理操縱避就時被當事人訐告殊非完善辦法應候令行審判廳妥籌整理可也此批

批陳寶僑呈黃道生吞欸匿審案由

呈悉已令行廣州地方審判廳照所呈各節迅即轉飭順德縣分庭傳案訊結矣此批

批前台山縣管獄員韓壽彭呈爲有功被黜激勸難昭由

呈悉仰候令行廣東高等檢察廳查明辦理可也此批

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(十七)

啟者本公報既出版數月來定購者日增無已茲除各行政公署及各公共團體送閱一份外其餘各個
人恕不贈送愛讀諸公請函致本公報發行處定購可也此佈

中華民國七年二月廿八日

軍政府印鑄局公報處啟

○大元帥府參軍處啟事

啟者大元帥府之電話號數如左

秘書處二一零零

參軍處副官室庶務科二零四四

衛隊室二零六九

大元帥府參軍處啟